

INUIT ATAQATIGIIT

Inatsisartuni



UPA 2017/015
Nuuk, 1.juni 2017
Debora Kleist

**Innarluutillit angajoqqaami nunaqarfiisa avataanut
inissinneqarsimatiillugu, angajoqqaat atugaanut
pitsangorsaanissamut sunik periarfissaqarnersoq pillugu
apeqquteqaat aallaavigalugu oqallinnissamik siunneruut.**
(Inatsisartunut ilaasortaq Laura Tàunâjik, Siumut)

Laura Tàunâjik, Siumumeersup oqallisssiaanut qujalluta, ima oqaaseqassaagut.

Inuit Ataqatigiit soqutigisarilluinnarpaat pingaartillugulu inuit innarluutillit nunatsinni innuttaaqatigut atugarisatigut illersorneqarnerisalu inuiaqatigiit ingerlanneqarneranni allatulli pitsanguutaasussanik suliniutigiuarfingineqarnissaat. Tassungalu ilaalluinnarportaaq inuit innarluutillit pisinnaatitaaffinnik qaarmassaaneq, pitsaassumillu periarfissaqartuarnissaanut suliniuteqarnissaq.

Ullut ilaanni meeqqamut innarluutillimmut angajoqqaajulluni qanigisaalluniluunniit imaannaangitsumik misigiffiusinnaanera, soorlu saaffissaasuasinnaneq, ikiortissaasuaneq, annikilliorsinnaanerluunniit misigineqarsinnaanera takorlooluarsinnaavarput.

Taammaatumik ilitsersuinerit qaamarsaanerit aammalu qanumut kommuneni suleqatigiilluni pilersaarusrornerit, kiisalu qanigisaasut, peqatigiiffiillu ilaanissaat pingaaruteqarpoq. Isumaqarpugut taakku tassaasut aqqtissat pingaaruteqarluinnartut meeqqap ineriantornermini pisariaqartitaanik aallaveqarluni ataqqinnillunilu suliniuteqaqatiggittussat.

Angajoqqaat innarluutilimmik meerartallit sapinngisartik tamaat meeqqamik najornissat, illoqarfigeqatiginissaat pingaartillugu inissimasarput, meeqqamik annertunerpamik ilaginissaa periarfissaqullugu. Angajoqqaallu ilaqpaput illoqarfigisartik qimallugu nuutariaqartunik, qitornamik innarluutillip pisariaqartitaat naapertorlugu inissinneqarnera pissutigalugu. Tammaattoqartillugu angajoqqaanut pingaaruteqarpoq inissaqarnisaap suliffissaqarnissallu qulakkeersimanissa.

Illua tungaanilu aamma angajoqaaqarpoq imaaliallaanaq nooqqataanissamut periarfissaqanngitsunik pissutsit assigiinngitsut peqqutigalugit. Aammalu ilisimavarput ilaatigut angajoqqaqarsinnaasartoq meeqqaminnik suli iperaanissaminut piareersimannngitsunik. Taakkulu meeqqamik inissineqarnerminni najugariligaannut allatut ajornartumik nooqataasariaqartunik, naak immaanaanngitsumik

kinguneqarsinnaasaraluartoq. Ilaqtariimmi nooqataanermi najukkaminni toqqissisimaneq annaallugulu ilaqtutanik tapersersortaaunik qimatsisariaqalersinnaasарput. Taakkuppullu oqallissaarisup qitiutillugit ikiorserneqarsinnaanerannut ujartuiffigisai. Taakkununngami ullumikkut kommune aqqutigalugu qinnuteqarnissaq perissarfissagissaanngilaq.

Angajoqqaat meeqqamik innarluutillip najornissaanut periarfissaq sunaagaluartruunniit qinersimagunikku, tamanna nammineerluunnarlutik angajoqqaatut aalajangertaraat ilisimavarput.

Ullumikkut ilisimaaraarput inuit innarluutillit ilaqtami najugaasa avataanut najugaqarlersimagunik imalluunniit inissinneqarsimagunik pisortanit akiliunneqarluni ukiumut marloriarlutik ilaqtaminut qanigisaminnut tikeraarsinnaaneq qinnuteqarnikkut periarfissaasoq. Kiisalu inummut innarluutilimmut angajoqqaajusup, qanigisaasup aamma pisortanut qinnuteqarnikkut tikeraarnissamut periarfissaqarput.

Siunissami Inuit Innarluutillit illersuisoqalernerisigut qularutissaanngilaq inuit innarluutillit angajoqqaavisalu atugarisaasa pitsangorsaaffigineqarnissaanut misissuiffigineqarnissaat. Taamaassilluni misissuinerup kingunerisaanik ilaatigut angajoqqaat meeqqamik innarluutillip nooqqatiginerannut aningaasatigut nunagisimasaminnut tikeraarsinnaanerminnut periarfissinneqarsinnaanerat.

Periarfissaasorlu ilagisinnaavaat Ukiامut Sisimiuni Nuna Tamakkerlugu Inunnut Innarluutilinnut Sullissivik ammarneqartussaq atuutileriarpal tassaasussaavoq inunnut innarluutilinnut tunngatillugu ikorsiisарneq pillugu ilisimasanik katersuiffiusussaqq. Tassuuna qanigisaasut atugaannut pitsangorsaanissamut suleqataallunilu periarfissiisooq.

Periarfissaannginnerpa Innarluutillit Peqatigiiffii kattussuunnerisigut kattuffiliorsinnaaneq? Tamanna siunissami takorloorneqarsinnaanerluni? Taanna aqqutaasinnaavoq aningaasaateqarfimmik pilersitsilluni, ilaquaasunut ikiortariaqartunut periarfissiisinnasooq.

Naggataatigut ilanngukkusunnarpoq Naalakkersuisoq akissuteqarnermini ulloq unnuarlu angerlarsimaffinni anguniagassatut nassuaataani ersarissarneqarpoq angajoqqaanut attaveqarnertik ingerlatiinnarlugu pisussaaffeqartut. Ullumikkut teknologi atortorissaarutit atorlugit angajoqqaanut attaveqarsinnaaneq ingerlanneqarmat.

Oqallilluarnissassinnut kissaappassi.